

Gvangjsih Minzcuz Bau

ganhhau: CN45-0036 B.2014 Nd.9 Ng.17 liggaeuq gyapngux nienz ndwenbet ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3141期

Daih cib' it Gaiq Cunghgoz-Dungh- mungz Bozlanjvei Youq Namzningz Hai

第十一届中国 - 东盟博览会在南宁开幕

9 nyied 16 hauh, Daihcib' it Gaiq Cunghgoz-Dunghmungz Bozlanjvei Nem Cunghgoz-Dunghmungz Sanghvu Caeuq Douzswi Funghvei gaihmu si youq Namzningz gawj hengz. Cunghgung Cunghyangh Cwngcigiz cangzveij, Gozvuyen fucunglij Cangh Gauhli youq gwnz gaihmu si gangj vah caemh naeuz, Cungguk nyienh caeuq Dunghmungz doengz caez caenh' itbough dajcaux aen Cunghgoz-

Dunghmungz ghenhaeh gengangh, onjdinh, youh coz youh rengz.

Youq gwnz gaihmu si, Sinhgyahboh cunglij Lij Yenlungz, Genjbujcai soujsieng Hungzswih, Laujvoh guekgya fucuzsiz Bwnjyangz, Menjden fucungjdungj Nenzdunh, Daigoz fucunglij Dahnazsaz nem Yeznanz fucunglij Fan Cangzmingz hix gonqlaeng gangj vah.

Baez bozlanjvei neix hopheux

aen cawjdaez caemh guh "21 sigij diuz roen seicouz gwnzhaij", yien fwngz doxgap, caemh byaij baenaj; lij gawjbanh buek douzswi hozdung ndeu, caenh' itbough hawj Cunghgoz nem Dunghmungz youq denliz, swhfaz, vanzbauj, gunghsangh daengj fuengmienh gya' ndei doxgap.

(sij/Dunji Gvanyang/董冠洋
Linz Yenvaz/林艳华 ingj/Luz Boh-an/陆波岸)



Nanzningz Si Haidaeuz Guh Ndwen Senhconz Minzcuz Doxgiet Nem Geiqniemh 《Minzcuz Gihiyz Swcifaz》 Fatbough Saedhengz 30 Hopbi

南宁市启动民族团结宣传月暨民族区域自治法颁布实施30周年纪念活动

Bonjbauq siusik (gicej Dangz Lungz/唐龙 dunghsinyenz Luz Genyij/陆建宇) 9 nyied 17 hauh, aen yizsi haidaeuz guh Nanzningz Si 2014 nienz ndwen senhconz minzcuz doxgiet nem geiqniemh 《Minzcuz Gihiyz Swcifaz》 fatbough saedhengz 30 hopbi de youq diuz gai Gyanghnanz Suijgaih giz Gvangjsih Minzsuz Gaihgi hawj hengz. Swcigih Minzveij fusinziyenz Veiz Cigenh, Siveij cangzveij, Duncanbu bucanj Yungz Ganghse, Si Yinzda Cangz-veijvei fucujyin Liuz Yungz, fusicangj Vangz Ningz, Si Minzveij cujyin Suh Cigangh daengj lingjdauj camgya. Baez yizsi neix youz Vangz Ningz cujiz, Yungz Ganghse gangj vah.

Doenghboux ganbu cizgungh daengx Si minzveij (cunghgyaungiz), doenghboux daibyauj gij cizdij mozfan, ranz mozfan, boux mozfan youq ndaw "haj ceng haj bingz" doxbeij hozdung bingz ndaej de, doenghboux daibyauj Nanzningz Si saujsu minzcuz louzdoengh yinzyenz(vunz) fuzvu cungsime nem "ranz minzcuz" ndaw segih, doenghboux saujsu minzcuz daibyauj gak gyaij ndawbiengz daengj camgya baez yizsi neix.

Ciuq cam rox, bineix dwg bi 《Minzcuz Gihiyz Swcifaz》 fatbough saedhengz ndaej 30 hopbi de. Vih cauxguh daengx guek minzcuz doxgiet cinbu sifansi, haeujlaeg senhconz 《Minzcuz Gihiyz Swcifaz》,

caenh' itbough gyamaenh aen seveicujyi minzcuz ghenhaeh doxdoengz, doxgiet, doxcoengh, huzndei de, Nanzningz Si Siveij, Si Cwngfuj dingh 9 nyied 15 hauh daengz 10 nyied 15 hauh youq daengx si guh ndwen senhconz minzcuz doxgiet nem geiqniemh 《Minzcuz Gihiyz Swcifaz》 fatbough saedhengz 30 hopbi hozdung. Youq guh hozdung geizgan, aen si neix lij cujiz guh minzcuz doxgiet cihsiz doxdax, 《Minzcuz Gihiyz Swcifaz》 senhconz haeuj segih, minzcuz doxgiet gyauyuz haeuj hagdangz, yozsuz yenzdaujvei, "minzcuz doxgiet sim lien sim" daengj buek hozdung guh cawjdaez senhconz gyauyuz ndeu.

SIUSIK DINJ

简讯

● 9 nyied 11 hauh, Vuzcough Siveij Cujcizbu, Si Minzveij, Siveij Dangjau doengzcaez youq Vuzcough Siveij Dangjau gawjbanh "2014 nienz Vuzcough Si saujsu minzcuz ganbu beizyibanh" haiban yizsi. Aen si neix 32 boux saujsu minzcuz gohgiz ganbu camgya beizyin.

(Liuz Gozwnj)

● Gaenh bi daeuj, Liucwngz Yen Secungh Yangnungzminz yawjcinj hawciengz, haenqrengz dajndaem makit, gvehoengz, lwgfaeg daengj. Dangqnaej daengx mbanj dajndaem 50 lai moux gosiuqbaq, moix moux canjiz ndaej fanh lai maenz.

(Dwng Gwzyi)

● 9 nyied 10 hauh banhaemh, Ningzmingz Yen Aiden Cin Gunghingh Yisuzdonz 20 boux yenjyenz vunzmbanj, bae daengz henzguk Nazdangj Cunh, vih vunz henzguk yienj daiz vwnzyi vanjvei ndeu, baugvat siujbinj, diuqfoux, gag ciengq, eu fwen daengj 12 aen cezmu z gag bien gag yienj de, vunz henzguk yawj le gig angq.

(Cough Yizganh)

● Daj bineix daeuj, Lozcwngz Mulaujcu z Swciyen aeu 11 nyied angqhoh swciyen laebbaenz 30 hopbi guh gihvei, gonqlaeng hai doeng cigunghgyauhceh lien ndawsingz nem lajmbanj, hwnjguh buek diengz caj cigunghgyauhceh ndeu, hawj vunz dapi lai bienh, hawj vunz dieg Mulaujcu z gamjsouh daengz minzcuz cwngcwz ndei dangj raeuz.

(Liu Gvanghfuz)

● 9 nyied 9 hauh, Sanhgyangh Duncuz Swciyen Duzdung Yangh Bingliuz Cunh Mbanjavazlen gawjbanh hozdung gvaq ciet vaiz doxdaemj, 16 du z vaiz vuengz haenqrengz doxdaemj, neix dazyinx baenz cien vunz ngonzyawj, aeu neix daeuj angqhoh fungsou.

(Gungh Bujganh)